

يا حروف الشعر هلي وانثري جزل المعاني
و اكتبني عن أم ساره أجمل أبيات القصايد

سجلي قصة فرحها بالدقايق و الثواني
يوم فرحتها بسارة الغلا و الشوق زايد

ي ام سارة من وصفك تطرب حروف الأغاني
شامخه من يوم يومك في الرخا أو في الشدايد

من شموخك يستزيد الشعر و يغرد لسانني
أجوديه بالطبايع و يعربيه بالعوايد ..

حاتميه بالكرم ، كلك بحر ماله مواني
تكرمين أصغر فقير و نفرشين أكبر موايد

في صلاتك تسكين النور بعروق المحاني
تقطعين الليل بالذكر و تعوفين الوسايدي

أفرحي ، سارة بحياتك حققت أجمل أماني
غيمتك تمطر عليها كل ما جدت جداید

فاتنه مثل القمر قامت تبخر في أمان
كنها مراية جمالك و الحلا و الزين عايد

يا عسى تيقين نور عيونها طول الزمان
و يا عسى بحور الحياة بعمرها دايم ركايد

عن صفاتك ي ام ساره الشعر يبني مباني
يا عطر كل الحروف و يا خلا كل القصايد